

**DOI 10.7251/VETJ1802392V****UDK 636.2.09:616.981.42***Originalni naučni rad*

## **ZNAČAJ UPOTREBE ALERGIJSKOG KOŽNOG TESTA NA BRUCELIN U DIJAGNOSTICI BRUCEOZE GOVEDA<sup>1\*</sup>**

**Lejla Velić<sup>1\*</sup>, Toni Eterović<sup>1</sup>, Silvijo Špičić<sup>2</sup>, Željko Cvetnić<sup>2</sup>, Amina Hrković  
Porobija<sup>1</sup>, Benjamin Čengić<sup>1</sup>, Selma Filipović<sup>1</sup>, Tarik Bajrović<sup>1</sup>**

1 Veterinarski fakultet, Sarajevo, Bosna i Hercegovina

2 Hrvatski veterinarski institut, Zagreb, Hrvatska

\*Korespondentni autor: Lejla Velić lejla.velic@vfs.unsa.ba

**Kratak sadržaj:** Brusele u organizmu inficiranih životinja induciraju i humoralni i ćelijski imunološki odgovor. Humoralni imunološki odgovor se bazira na praćenju pojave specifičnih antitijela protiv glatkog lipopolisaharida (S-LPS) ćelijske membrane brucela. Međutim kod goveda u dokazu specifičnih antitijela klasičnim serološkim metodama mogu se detektovati antigene determinate za druge vrste mikroorganizama (unakrsna reaktivnost) kao što su: *Escherichia coli* 0:157, *Yersinia enterocolitica* 0:9, *Salmonella urban*, *Pseudomonas malthophilia* i *Pasteurellae*. Cilj ovog rada je utvrditi ćelijski imunološki odgovor koji se bazira na upotrebi pročišćenog i standardiziranog alergena, kojem je u potpunosti odstranjen lipopolisaharid te kao takav ne dovodi do razvoja humoralnog imunološkog odgovora. Ukupno je ispitano 16 goveda s područja Federacije Bosne i Hercegovine kod kojih je - Rose Bengal testom ireakcijom vezivanja komplementa utvrđeno prisustvo specifičnih antitijela na bruceozu. Kožni test je izvođen prema uputama proizvođača. U testu je korišten brucelin, ekstrakt *B. melitensis* B115 (Synbiotics Brucellergene OCB). Kod 14 goveda je nakon 72 sata od aplikacije utvrđeno zadebljanje kožnog nabora, dok kod dva goveda nije izmjereno nikakvo zadebljanje. Razlog svakako treba tražiti u činjenici da su dva goveda imala pozitivan rezultat samo u Rose Bengal testu te se to može prepisati unakrsnoj reakciji s antigeno srodnim mikroorganizmima.

Kožni alergijski test nije preporučljiv kao samostalan dijagnostički alat jer ne reaguju sve zaražene životinje, stoga ovaj test se ne može preporučiti kao individualni dijagnostički test ili u svrhu međunarodne trgovine. Međutim, zbog visoke specifičnosti i adekvatne osjetljivosti na nivou stada ili stada, može se preporučiti za nadzor stada / stada u područjima slobodnim od bruceoze.

**Ključne riječi:** bruceoza, goveda, brucelin, humoralni imunitet, ćelijski imunitet

<sup>1</sup> Презентован на 23. Годишњем савјетовању доктора ветеринарске медицине Републике Српске (БиХ). Теслић, 6-9. јуна 2018.

## UVOD

Uzročnik bruceloze su fakultativne intracelularne gram–negativne bakterije iz roda *Brucella*. Kod prijemljivih životinja brucele potiču humoralni i celularni imunološki odgovor. Dok se humoralni imunološki odgovor bazira na praćenju pojave i rasta titra specifičnih antitijela protiv lipopolisaharida - glatkih brucela (S-LPS) (Benet i sar., 1991), ćelijski imunološki odgovor zasnovan je na aktivaciji makrofaga od strane limfokina koje izlučuju T ćelije. Na praćenje humorалног imunoloшког odgovora serološkim metodama utiču mnogi faktori kao što su dug i varijabilan period inkubacije bolesti tokom kojeg su serološki testovi negativni (Nelson i sar., 1966.), imunološki odgovor nastao vakcinacijom, varijacija u serološkim odgovorima pojedinih goveda kao i stadijem gravidnosti u vrijeme infekcije životinja (Fensterbank i sar. 1975.).

Brojni serološki testovi koji su trenutno dostupni jasno ukazuju da ni jedan test ne može zadovoljiti ono što se definiše kao „idealan“ kao što je otkrivanje rane faze infekcije tokom dugog i promjenljivog inkubacionog perioda, prisustvo nespecifičnih antitijela (unakrsne reakcije), otkrivanje latentnih ili hroničnih nosioca uzročnika i razlikovanje vakinalnih od infektivnih antitijela (Nielsen i Duncan, 1990). Cilj ovog rada je utvrditi ćelijski imunološki odgovor kod serološki pozitivnih goveda upotrebom pročišćenog i standardiziranog alergena, kojem je u potpunosti odstranjen lipopolisaharid te kao takav ne dovodi do razvoja humorалног imunoloшког odgovora kao i ukazati na značaj primjene ovog testa u postavljanju konačne dijagnoze bruceloze kod goveda.

## MATERIAL I METODE

### Ispitivane životinje

Istraživanje je provedeno na 14 goveda kod kojih je Rose Bengal testom (test brze serumske aglutinacije) i reakcijom vezivanja komplementa (RVK) utvrđeno prisustvo specifičnih antitijela za uzročnika bruceloze, kao i dva goveda kod kojega je Rose Bengal testom utvrđena pozitivna reakcija, dok je reakcija vezivanja komplementa dala negativan rezultat. Svi ispitani uzorci goveda su poticali iz gazdinstva u kojima se zajedno užgajaju goveda i ovce koje

nisu bile vakcinisane. Uzorci krvi goveda za serološka ispitivanja dostavljeni su na ispitivanje u Laboratorij za virusologiju i serologiju, Nacionalni referentni laboratorij za brucelozu u okviru godišnje naredbe za kontrolu zaraznih i parazitarnih bolesti u Federaciji Bosne i Hercegovine za 2017. godinu.

### Kožni test

Test je izvođen prema uputstvu OIE Manuala (2016) i Seagerman i sar., (1999) - brucelinom, koji je ekstrakt *B. melitensis* B115 (Synbiotics Brucellergene OCB).

Prema uputstvu proizvođača dlaka je šišana sa bočne strane i intradermalno je aplicirano 0,1 ml brucelina (2000 jedinica/ml). Debljina kožnog nabora je neposredno prije aplikacije mjerena - kutimetrom. Brucelin smo aplicirali s injektorom i iglom. Potvrda uspješne aplikacije bio je opipljiv čvorić na mjestu aplikacije. Očitavanje reakcije smo vršili 42-72 sata nakon aplikacije, primarno palpacijom, a nakon toga i mjeranjem kutimetrom. Pozitivna reakcija se ocjenjuje kvalitativno ili stvaranjem lokalnog ograničenog edematoznog otoka i otvrdnuća. Svako povećanje kožnog nabora veće - od 1,5 mm se

smatralo pozitivnom reakcijom. U cilju smanjenja mogućnosti varijacija u očitavanju, apliciranje kao i očitavanje je vršila ista osoba.

## РЕЗУЛТАТИ

Kod svih goveda korištenih u ispitivanju nije zabilježena bolnost, nekroza ili oteknuće regionalnih limfnih čvorova na strani vrata na kojoj je apliciran alergen.

Reakcija je očitavana jednokratno, sedamdeset dva sata nakon aplikacije brucelina - mjerenjem debljine kožnog nabora. Dobijene vrijednosti mjerena prikazane su u tabeli 1.

**Tabela 1. Vrijednosti mjerena kožnog nabora prije i poslije aplikacije brucelina**

Goveda br.	Kožni nabor prije aplikacije brucelina (mm)	Kožni nabor 72 sata nakon aplikacije brucelina (mm)	Razlika u debljini kožnog nabora (mm)
1.	10	21	11
2.	9	12	3
3.	12	20	8
4.	13	16	3
5.	10	17	7
6.	10,5	17	6,5
7.	9	10	1
8.	13	19	6
9.	20	22	2
10.	8	11	3
11.	9	13	4
12.	10	15	5
13.	6	8	2
14.	6	13	7
15.	7	7	0
16.	10	13	3

Kao što je vidljivo u tabeli od 16 testiranih životinja povećanje kožnog nabora je utvrđeno kod 14, dok kod dva goveda nisu zabeležene promene. Prosječna vrijednost povećanja zadebljanja se kretala u prosjeku 4,5 mm. Iako se kožni alergijski test na brucelin bazira na reakciji kasne

preosjetljivosti, fenomenu koji se koristi kod - tuberkulinizacije, reakcija nakon aplikacije brucelina je dva do tri puta manje intenzivna u odnosu na - tuberkulinizaciju (Saegerman i sar, 1999) ( slika 1).



Slika 1. Mjerenje kožnog nabora kutimetrom.

## DISKUSIJA

Postavljanje precizne i konačne dijagnoze kod oboljenja kao što je brucelozna je od velike važnosti u kontroli bolesti kako kod životinja tako i kod ljudi. S obzirom na to da se brucelozna kod životinja manifestira pobačajima gravidnih ženki u zadnjoj trećini graviditeta postavljanje kliničke sumnje se bazira na anamnestičkim podacima vezanim za reproduktivne poremećaje u stadi. Konačna dijagnoza se bazira na primjeni laboratorijskih direktnih i indirektnih metoda. Zlatni standard u dijagnostici bruceloze je izolacija bruce-

la iz dijagnostičkog materijala (Alton i sar. 1988). Međutim ova- metoda zahtjeva odgovarajući biosigurnosni nivo - jer se radi o uzročniku visokog rizika. Molekularne metode su s druge strane važan alat u dijagnostici bruceloze - i u epizootiološkim istraživanjima, ali zahtijevaju veoma skupu i opremu kao i visoko educirano osoblje (Godfroid sar., 2010). Primjena seroloških metoda također ima svojih prednosti i mana. Serološki testovi za - izvođenje ne zahtijevaju posebne uslove, manje su zahtjevni, sigurniji i mnogo ekonomičniji u

odnosu na bakteriološke i molekularne metode. Iako je opće prihvaćeno da su serološki testovi pouzdani u dijagnostici bruceloze kod goveda (FAO/WHO, 1986), - niti jedan dostupan serološki test ne može detektirati specifična antitela u svim fazama infekcije - (Nielsen, 2002). U istraživanjima provedenim 60tih i 80tih godina prošlog vijeka utvrđeno je da u serumu goveda inficiranih malim brojem brucela imunološki odgovor je slab ili upotpunosti izostaje (Rose i sar., 1964; Nicoletti i Muraschi, 1966, Ray i sar., 1988).

Također, u slučajevima infekcije brucelama u kasnoj fazi graviditeta može doći do normalnog poroda, ali su takve životinje inficirane iako se u serumu takvih životinja rijetko može dokazati signifikantan titar antitijela (Cunningham, 1968).

Nedostatak seroloških testova se ogleda u tome što se kod dokazivanja prisustva antitijela protiv bruceloze u serumu inficiranih životinja mogu unakrsno dokazati antitijela nastala poticanjem antigena srodnih mikroorganizama kao što su: *Escherichia coli* 0:157, *Yersinia enterocolitica* 0:9, *Salmonella urban*, *Pseudomonas malthophilia* i *Pasteurellae* (Corbel, 1985, Kittelberger i sar., 1995). Iz ovog proizilazi da ne postoji niti jedan serološki test koji bi mogao da precizno detektuje sve stadije bruceloze (Mylrea i Fraser, 1976, Nielsen, 2002).

U našem istraživanju koristili smo pročišćeni i standardizirani alergen brucelin kojem je u potpunosti odstranjen lipopolisaharid, te kao takav

ne može dovesti do stvaranja specifičnih antitijela. Ćelijski imunološki odgovor predstavlja najvažniji mehanizam odbrane kod infekcije brucelama. Mehanizam se sastoji u tome da limfocitnom stimulacijom dolazi do inhibicije migracije makrofaga, blastogeneze limfocita i razvoja kasnog tipa senzitivnosti (Soper i sar. 1978). Utvrđivanjem povećanja kožnog nabora kod 14 od 16 goveda kod kojih su s obje serološke metode (RB i RVK) dale pozitivan rezultat dokazuje da je kožni alergijski test najspecifičniji indirektni test za dijagnostiku bruceloze kod nevakciniranih životinja. Iako osjetljivost i specifičnost kožnog alergijskog testa zavisi od odabranih kriterija za interpretaciju rezultata (De Massis i sar, 2005), - rezultati dobiveni ovim istraživanjima se podudaraju s rezultatima istraživanja drugih autora (MacDiarmida i Hellstroma, 1987, Pouillot i sar., 1997, Seagerman i sar., 1999). Mnogi autori (Bercovich i sar., 1992., Plommet, 1984., Seagerman i sar., 1999) smatraju da se vrijednost zadebljanja kožnog nabora - jednak je i veće od 1mm, ne uzima kao granična vrijednost, nego da se svako vidljiva i/ili opipljiva reakcija smatra pozitivnom.

Negativan rezultat na kožni alergijski test koji smo dobili u našem istraživanju kod dva goveda je zabilježen kod goveda kod kojih je Rose Bengal bio pozitivan, dok je RVK dao negativan rezultat, a koji se prema Corbel, (1985) te Kittelberger sar. (1995) dovodi u vezu sa unakrsnom reakcijom sa drugim antigen srodnim

mikroorganizmima.

Važno je napomenuti da životinje koje su vakcinisane sa *B. melitensis* Rev.1, *B. abortus* S19 ili RB51 mogu dati pozitivne rezultate kožnim alergijskim testom godinama nakon vakcinacije (Pouillot i sar., 1997; De Massis i sar., 2005). Zbog toga se ovaj test ne može preporučiti ni kao jedini dijagnostički test, niti u svrhu međunarodne trgovine u područjima gdje se koriste Brucella

vakcine. Također važno je napomenuti da ne reaguju sve zaražene životinje, stoga ovaj test se ne može preporučiti kao individualni dijagnostički test ili u svrhu međunarodne trgovine. Međutim, zbog visoke specifičnosti i adekvatne osjetljivosti na nivou stada ili stada, može se preporučiti za nadzor stada / stada u područjima slobodnim od bruceloze (OIE 2016).

## ZAKLJUČAK

Na osnovu iznesenog može se zaključiti da primjena kožnog alergijskog testa u dijagnostici bruceloze goveda ima naročito veliku vrijednost kod goveda kod kojih su serološki testovi pokazali sumnjiv i nejasan rezultat kao potvrđna metoda kod nevakciniranih goveda. U uslovima gdje je brucelozna enzootska karaktera i gdje se primjenjuje vakcinacija malih preživara te u uslovima gdje se ovce i koze zajedno drže s govedima

na istim pašnjacima i nastambama uvođenje dodatnog testa u dijagnostici bruceloze kao što je kožni test kasne preosjetljivosti na brucelin je koristan dijagnostički alat u dijagnostici bruceloz. Nedostatak kožnog testa se ogleda u tome da nije primjenjiv u slučajevima vakcinacije životinja kao i to da se u kod ponavljanja kožne alergijske probe treba sačekati period desenzibilizacije organizma 6 sedmica (OIE 2016).

## LITERATURA

1. Alton G.G., Jones L.M., Angus R.D. and Verger J.M. (1988): Techniques for the Brucellosis Laboratory, Institut National de la Recherche Agronomique (INRA), Paris.
2. Benet J.J., Massard C., Garin-Bastuji B., Moutou F., Dufour B., Schaeffer C. and Cotton T. (1991): Réactions serologiques atypiques dans le dépistage de la brucellose bovine: Enquête Épidémiologique dans les départements condamnés. Epidémiol. Santé Anim., 19: 97-130.
3. Bercovich Z., Ter Laak E.A., Vanlipzig J.H.H. (1992): Detection of brucellosis in dairy herds after an outbreak of the disease using a delayed-type hypersensitivity test. Preventive Veterinary Medicine, 13, 277–285.
4. Corbel M.J. (1985): Recent advances in the study of Brucella antigens and Their serological cross-reactions. Vet Bull 55, 927-942.

5. Cunningham B.(1968): The control and eradication of brucellosis. I. Serological response in cattle following vaccination with S,9 and killed *Brucella 45120* adjuvant vaccine, *Vet. Rec.*, 82, 7.
6. De Massis F, Giovannini A., Di Emidio B., Ronchi G.F., Tittarelli M., Di Ventura M., Nannini D and Caporale V. (2005): Use of the complement fixation and brucellin skin tests to identify cattle vaccinated with *Brucella abortus* strain RB51. *Veterinariy italiana*, 41 (4), 291-299.
7. FAO/WHO (1986): Joint FAO/WHO expert committee on brucellosis, 740:1-132.
8. Fensterbank R., Plummet M., and Pardon, P. (1975): Traitement de la brucellose bovine par l' oxytetracycline, *Ann. Rech. Vet.*, 6, 43.
9. Godfroid J., Nielsen K., Saegerman C. (2010.): Diagnosis of brucellosis in livestock and wildlife. *Croat. Med. J.*, 15;51, 4:296-305.
10. Kittelberger R., Hilbink F., Hansen M.F., Ross G.P., Joyce M.A., Fenwick S., Heesemann J., Wolf-Waltz H., Nielsen K. (1995): Serological crossreactivity between *Brucella abortus* and *Yersinia enterocolitica* O:9 II the use of *Yersinia* outer proteins for the specific detection of *Yersinia enterocolitica* infections in ruminants. *Vet Microbiol.* 47(3-4):271-80.
11. MacDiarmid S.C., Hellstrom J.S. (1987): An intradermal test for the diagnosis of brucellosis in extensively managed cattle herds. *Preventive Veterinary Medicine*, 4, 361-369.
12. Mylrea P.J., Fraser G.C. (1976): The use of supplementary tests in the serological diagnosis of bovine brucellosis. *Aust. Vet.J.* 52: 261-266.
13. Nelson C. J., Anderson R. K., Kimberling C. V., and Pietz D. E. (1966): Enzoologic factors of bovine brucellosis: comparative bacteriologic studies of infected herds, *Am. J. Vet. Res.*, 25, 1515.
14. Nicoletti P. and Muraschi T. F. (1966): Bacteriologic evaluation of serologic test procedures for the diagnosis of brucellosis in problem cattle herds, *Am. J. Vet. Res.*, 27, 689.
15. Nielsen K. (2002): Diagnosis of brucellosis by serology. *Vet Microbiol*; 90: 447–59.
16. Nielsen K., Dunkan J.R. (1990): Animal Brucellosis, Animal Diseases Research Institute Agriculture Canada, Nepean, Ontario.
17. OIE (2016): "Terrestrial manual, Bovine brucellosis," in *Manual of Diagnostic Tests and Vaccines for Terrestrial Animals*. Brucellosis (*Brucella abortus*, *B. melitensis* and *B. suis*)(NB: Version adopted in May 2016).

18. Plommet M. (1984): Les dernieres etapes de la prophylaxie de la brucellosis bovine. Bull Mens Soc Vet Prat Fr, 68, 507-520.
19. Pouillot R., Garin- Bastuji B., Gerbier G., Coche Y., Cau C., Dufour B et al (1997): The brucellin skin test as a tool to discriminate false positive serological reactions in bovine brucellosis Vet.Res.28 (4), 365-374.
20. Ray W.C., Brown R.R., Stringfellow D.A., Schnurrenberger P.R., Scanlan C.M., Swann A.I. (1988): Bovine brucellosis: an investigation of latency in progeny of culture-positive cows. J. Am. Vet. Med. Assoc., 192, 182-186
21. Rose J. E., Lambert G., and Roepke M. H. (1964): Ultra-centrifugation and heat. Inactivation studies on serogglutinins of pregnant heifers artificially infected with virulent Brucella abortus, Am. J. Vet. Res., 25, 329.
22. Seagerman C., Vo T.K., De Waele L., Glison, D., Bastin A., Dubray G., Flanagan P., Limet J.N., letesson J.J and Godfroid, J. (1999): Diagnosis of Bovine Brucellosis by Skin Test: Conditions for the test and evaluation of its performance. The Veterinary Record, 145: pp 214 – 218.
23. Soper F. E., Muscoplat C. C., and Johnson D. W. (1978): In vitro stimulation of bovine peripheral blood lymphocytes: analysis of variation of lymphocyte blastogenic response in normal dairy cattle, Am. J. Vet. Res., 39, 1039.

Rad primljen: 05.06.2018.

Rad prihvaćen: 31.10.2018.